



Sofia Geisler
Inatsisartunut ilaasortaq, Inuit Ataqaigiit

Peqqissaanermik Ilinniartimmi portøritut annaassiniartartut ilinniarneq pillugu – § 37 naapertorlugu apeqquteqaammut nr 112/2020-mut akissuteqaat.

09-07-2020
Suliap nr 2020 - 11236
All. nr. 10941081

Asasara Sofia Geisler,

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: *Peqqissaanermik Ilinniartimmi Portør-Redderitut ilinniartunik atuartitsinermi atuartitsissut qallunaatuinnaasoq ataaseq atorpeqartoq ilumoorpa? a Taamaassimappat Portør-redderitut ilinniartut qallunaatut piginnaasaat qanoq qaffasissuseqassasoq naatsorsuutigineqarpa?*

Akissut: Portøritut-annaassiniartartut ilinniarnermi tunngaviusumik atuagaq qallunaat oqaasertalik atorpeqartarpoq.

Meeqqat atuarianni soraarummeernermi (FSA) qallunaarut karakteri D minnerpaamik anguneqarsimassasoq ilinnialernissamut piumasaqaataavoq.

Apeqqut 2: *Ilumoorpa Portør-Redderitut ilinniartunik atuartitsinermi atortussianik kalaallisut oqaasertalinnik peqanngitsoq? a Atuartitsinermi atuagaq atorpeqartoq kalaallisunngortinneqassappat tamanna qanoq akeqassava?*

Akissut: Eqqorpoq portøritut-annaassiniartartut ilinniarnermut ilinniartitsinermut atortunik kalaallisuunik saqqummersitsisoqarnikuunngilaq. Ilinniartitaanermut pitsaassuseq qulakkeerniarlugu suliaq pillugu atuakkiaq, qallunaat oqartussaasuinit attuumassuteqartunit akuerisaq pitsaasutullu isigineqartoq Peqqissaanermik Ilinniartimmi atorpaa.

Assersuunneqarsinnaasunik assersuutissanik peqarpoq, Kalaallit Nunaanni Teknikimik Ilinniartimmit (KTI) ilinniartitsinermut atortut nutserneri 120.000 kr.-nik akeqarsimapput.

Apeqquut 3: *Portør-Redderitut atuartut kalaallisuinnaq oqaasillit / qallunaat oqaasiinnik killilimmik paasinnittartut ilinniakkamik imarisaanik pisariaqartunik pissarsisinnaanissaat qanoq qulakkeerneqartarnersoq Naalakkersuisut nassuiaaqquneqarput.*

Akissut: Atuartut tamaasa qallunaat oqaasiinut oqalussinnaanngitsut ilisimasassanik pisariaqartunik pissarsinissaat qulakkeerniarlugu, atuartitsinermut atortut qallunaatuut nutsernissaannut kiisalu kalaallisut ilinniartitsinermut atortut suliarinissaannut ukiumut ilinniartitsisut ataasiakkaat tamarmik immikkut nalunaaquttap akunnerinik 25-nik atugassinneqartarput.

Ilinniarnermut atuartitsinermi qallunaat oqaasii kisimik atorineqanngillat pingaarnertut marluinnik oqaasilinnik Peqqissaanermik Ilinniartitsisumik atortut.

Tamatuma saniatigut ilinniartitsisoq attaveqataasoq peqatigalugu naammassineqarsinnaasut ilinniarneq pillugu oqaloqatiginninnernut nalunaaquttap akunneri immikkoortinneqartarput. Ilinniarneq pillugu oqaloqatiginninnernut imminut aallaavigaluni ilinniarnermi unammilligassat periarfissallu matumani ilanngullugit oqaatsit oqaloqatigiissutigineqartarput. Ilinniartup ilinniarnernata ingerlanera tamaat ilinniartup ineriartorneranik malinnaasussamik ilinniartut ataasiakkaat tamarmik immikkut ilinniartitsisumik attaveqaaserneqartarput.

Apeqquut 4: *Portør-Redderitut ilinniartut ilinniarnermi annerpaamik pissarsinissaat qulakkeerniarlugu atuarnep nalaani nutserisoqarnissaanik Naalakkersuisut periarfisseerusuppat?*

Akissut: Maannakkut ilinniartitsinermi nutserisoqarnissamik pilersaaruteqartoqanngilaq, ilinniartut pingaarnertut kalaallisut oqaasillit akuersaarneqarnissaannut Peqqissaanermik Ilinniartitsisumik suliniutit aallartinneqarmata, Qulaanilu oqaatigineqartut ilaatigut ilinniartitsinermut atortut kalaallisut nutsernissaannut aamma nalunaaquttap akunneri ilinniarneq pillugu oqaloqatiginninnernut ilinniartitsisumut ataatsimut nalunaaquttap akunneri 25-t immikkoortinneqarput. Tamatuma saniatigut Peqqissaanermik Ilinniartitsisumik atortut marluinnik oqaaseqarput.

Apeqquut 5: *Portør-redderitut ilinniarnermi Peqqissaanermik Ilinniartitsisumik ingerlanneqartumut atatillugu ilinniakkamik ingerlatsinissamut oqaatsit akornutaanersut pillugit Naalakkersuisut nassuiaaqquneqarput. a Ajornartorsiutaasimappat; Naalakkersuisut paasissutisseeqquneqarput ilinniakkamik aallartitsereersimagaluarlutik oqaatsit pissutigalugit holdini ukiumut aallartittuni taamaatitsiinnartartut ukiut kingulliit sisamat ingerlaneranni qassiusimanersut.*

Akissut: Portør-annaassiniartartut ilinniartut ilinniarnermi oqaatsit pissutigalugit ajornartorsiutinik misigisaqartunik ilinniartoqartarpoq. Kisiannili ilinniarnep naammassinissaanut oqaatsit kisimik qanoq akornutaanersut paasissutissaqanngilaq.

Ilinniartup ilinniarnernik unitsitsinerani pingaarnertut pissutaasoq Peqqissaanermik Ilinniartup nalunaarsortarpaa. Soorlu makkuusinnaapput "inuttut pissuteqartunik" imaluunniit "atuangippallaarneq". Unitsitsineq oqaatsitsigut ajornartorsiuteqarnermik pissuteqarnersoq aalajangersimasumik nalunaarsorneqanngilaq.

Apeqqut 6: *Portør-Redderitut ilinniartitsineq qanoq akulikitsigisumik nalilersorneqartarpa? a Nalilersorneqartarpa; Naalakkersuisut ilisimatitsissutigisinnaavaat nalliinerit pineqartut aallaavigalugit ilinniartitsineq taanna naleqqussarneqartarnersoq?*

Akissut: Ilinniakkat tamakkerlugit matumani ilanngullugit Portøritut-annaassiniartartut ilinniarneq ingerlaavartumik Peqqissaanermik Ilinniartup nalilersorneqartarput. Ilinniarnep ingerlareernerata naammassinerata kingorna ilaatigut ilinniartitsisut ataatsimiinneranni nalilersuisoqartarpoq.

Maannakkut ilinniartitaanerup ilusaanik nalunaarsuineq aamma "ilinniarnermut atuakkamik" taaneqartartup imarisai aqqissuunneqarput nutarterneqarlutillu.

Inussiarnersumik inuulluaqqusillunga

Ane Lone Bagger